

PHÆDRI
AUGUSTI
LIBERTI.



PHÆDRI¹ AUGUSTI

LIBERTI

ÆSOPICARUM FABULARUM.

LIBRI V.



Romæ, ex Typographia S. MICHAELIS
MDCCXXX.

Superiorum permissu.

1. The first part of the document
describes the general situation of the
country and the state of the
economy.

2. The second part of the document
describes the state of the
economy and the state of the
economy.

3. The third part of the document
describes the state of the
economy and the state of the
economy.

4. The fourth part of the document
describes the state of the
economy and the state of the
economy.

BIBLIOPOLA

Ad Lectorem.

PHÆDRI Fabularum, quas publici juris facio, tuo commodo, candide Lector, offero. Stylus est usquequaque candidus, & aurea Latini Sermonis venustas; sensus verò ex arcana Philosophia deprompti, Fabularumque cortice velati ad benè, honestèque vivendum. Opere in exiguo ne sperne delicias, veneresque loquendi, nec dedignare ab Auctore vix dum noto erudiri; pulchrum enim est, non solum ab Amico, sed etiam ab incognito doceri. Hæc te præmonitum volui. Vale.

FABULARUM

LIBER PRIMUS.

- 1 **L**upus, & Agnus.
- 2 **L** Ranæ Regem petierunt.
- 3 Garrulus superbus, & Pavo.
- 4 Canis per fluvium carnes ferens.
- 5 Vacca, & Capella, Ovis, & Leo,
- 6 Ranæ ad Solem.
- 7 Vulpes ad personam tragicam.
- 8 Lupus, & Gruis.
- 9 Passer ad Leporem consiliator.
- 10 Lupus, & Vulpis iudice Simio.
- 11 Asinus, & Leo venantes.
- 12 Cervus ad Fontem.
- 13 Vulpes, & Cervus.
- 14 Ex Sutore Medicus.
- 15 Asinus ad Senem Pastorem.
- 16 Ovis, Cervus, & Lupus.
- 17 Ovis, Canis, & Lupus.
- 18 Mulier parturiens.
- 19 Canis parturiens.
- 20 Canes famelici.
- 21 Leo Senex, Aper, Taurus, Asinus.
- 22 Mustella, & Homo.
- 23 Canis fidelis.
- 24 Rana rupta, & Bos.
- 25 Canes, & Crocodilus.

26 Vul-

- 26 *Vulpes, & Ciconia.*
- 27 *Canis, & Thesaurus, & Vulturius.*
- 28 *Vulpes, & Aquila.*
- 29 *Rana metuens Taurorum praelia.*
- 30 *Milvus, & Columba.*

LIBER SECUNDUS.

- 1 **I**uvencus, & Leo, & Prædator.
- 2 **A**nus diligens Juvenē, item Puella
- 3 *Æsopus ad quemdam de successu improborum.*
- 4 *Aquila, Feles, & Aper.*
- 5 *Cæsar ad Atriensem.*
- 6 *Aquila, & Cornix.*
- 7 *Muli duo, & Vectores.*
- 8 *Cervus ad Boves.*
- 9 *Ad Lectorem.*

LIBER TERTIUS.

- 1 **A**Nus ad amphoram.
- 2 **P**antera ad Pastores.
- 3 *Lanius, & Simius.*
- 4 *Æsopus, & Petulans.*
- 5 *Musca, & Mula.*
- 6 *Lupus ad Canem.*
- 7 *Soror ad Fratrem.*
- 8 *Socrates ad Amicos.*
- 9 *Pullus ad Margaritam.*
- 10 *Apes, & Fuci Vespæ Judice.*

- 11 De lusu , & severitate .
- 12 Canis ad Agnum .
- 13 Cicada , & Noctua .
- 14 Arbores in Deorum tutela .
- 15 Pavo ad Junonem de voce sua .
- 16 Æsopus Garrulo .
- 17 Asinus , & Galli

LIBER QUARTUS.

- 1 **D**E Mustella , & Muribus .
- 2 De Vulpe , & Uva .
- 3 Equus , & Aper .
- 4 Testamentum Patris inter Liberos
& Matrem .
- 5 Pugna murium , & Mustellarum .
- 6 Ad Lectorem .
- 7 Serpens ad Fabrum Ferrarium .
- 8 Vulpes , & Caper .
- 9 De vitiis hominum .
- 10 Fur , & Lucerna .
- 11 Malas esse divitias .
- 12 De Leone Regnante .
- 13 De Capreis barbatis .
- 14 De fortunis Hominum .
- 15 Serpenti misericordia nociva .
- 16 Vulpes , & Draco .
- 17 Ad Lectorem .
- 18 De Simonide .

19 Mons

- 19 *Mons parturiens.*
- 20 *Formica, & Musca.*
- 21 *Prodigium de Simonide.*
- 22 *Ad Lectorem.*

LIBER QUINTUS.

- 1 **D** EMETRIUS REX, & *Me-*
nander Poeta.
- 2 *De Socio infido.*
- 3 *Calvus, & Musca.*
- 4 *Asini, & Porcelli.*
- 5 *Scurra, & Rusticus.*
- 6 *Calvus, & quidam pilis defectus.*
- 7 *Procaz Tibicen.*
- 8 *Effigies temporis.*
- 9 *Taurus, & Vitulus.*
- 10 *Canis, & Venator.*



PHÆDRI AUG. LIB.

FABULARUM.

ÆSOPICARUM.

L I B. I.

Æ Sopus auctor quam materiam reperit
 Hanc ego polivi versibus senariis :
 Duplex libelli dosest; quod risū movet,
 Et quod prudenti vitā consilio monet:
 Calumniari si quis autem voluerit
 Quod arbores loquantur, non tantum feræ,
 Fictis jocari nos meminerit fabulis.

F A B U L A I.

Ad rivum eundem Lupus, & Agnus venerant,
 Siti compulsi. Superior stabat Lupus,
 Longèque inferior Agnus, tunc fauce improba
 Latro incitatus jurgii causam intulit,
 Cur inquit, turbulentam fecisti mihi
 Aquam bibenti? laniger contra timens,
 Qui possum, quæso, facere, quod quereris, Lupe?
 A te decurrit ad meos haustus liquor,
 Repulsus ille veritatis viribus,
 Ante hos sex menses at maledixisti mihi.
 Respondit Agnus: Equidem natus non eram,
 Pater, hercule, tuus, inquit, maledixit mihi,
 Atque ita correptum lacerat injusta nece.
 Hæc propter illos scripta est homines fabula,
 Qui fictis causis innocentes opprimunt?

F A B U L A I I.

Athenæ cum florerent æquis legibus,
 Procax libertas civitatem miscuit,
 Frænumque solvit pristinum licentia.
 Hinc conspiratis facti num partibus
 Arcem tyrannus occupat Pisistratus.

Cum

Cum tristem servitutem flerent Attici,
 Non quia crudelis ille, sed quoniam grave
 Omnino insuetis onus, & cæpissent queri,
 Æsopus talem tum fabellam retulit,
 q Ranæ vagantes liberis paludibus,
 Clamore magno Regem petiere à Jove.
 Qui dissolutos mores vi compesceret.
 Pater Deorum risit, atque illis dedit
 Parvum tigillum, missum quod subito vadis
 Motu, sonoque terruit pavidum genus.
 Hoc mersum limo quum jaceret diutius,
 Fortè una tacitè profert è stagno caput,
 Et, explorato rege, cunctas evocat.
 Illæ, timore posito, certatim adnatant,
 Lignumque supra turba petulans insilit!
 Quod, cum inquinassent omni contumelia,
 Alium rogantes regem misere ad Jovem,
 Inutilis quoniam esset, qui fuerat datus.
 Tum misit illis Hydram, qui dente aspero
 Corripere cæpit singulas; frustra necem
 Fugitant inertes; vocem præcludit metus.
 Furtim igitur dant Mercurio mandata ad Jovem,
 Addictis ut succurrat. Tunc contra Deus;
 Quia noluitis vestrum ferre, inquit, bonum,
 Malum perferre. Vos quoque, ô cives, ait,
 Hoc sustinete, majus ne veniat malum.

F A B U L A III.

Ne gloriari libeat alienis bonis,
 Suoque potius habitu vitam degere,
 Æsopus nobis hoc exemplum prodidit.
 Tumens inani Gracculus superbiam,
 Pennas Pavoni, quæ deciderant, sustulit,
 Seque exornavit; deinde contemnens suos,
 Immiscuit se Pavonum formoso gregi.
 Illi impudenti pennas eripiunt avi,
 Fugantque rostris; malè mulctatus Gracculus
 Redire mœrens cæpit ad proprium genus;
 A quo repulsus tristem sustinuit notam.
 Tum quidam ex illis, quos prius despexerat,
 Contentus nostris si fuisses sedibus,

Et quod natura dederat, voluisses pati,
Nec illam expertus esses contumeliam,
Nec hanc repulsam tua sentiret calamitas.

F A B U L A IV.

Amittit meritò proprium, qui alienum adpetit.
q Canis per frumen carnem dum ferret natans,
Lympharium in speculo vidit simulacrum suum:
Aliamque prædam ab alio ferri putans,
Eripere voluit: verum decepta aviditas,
Et quem tenebat ore dimisit cibum,
Nec quem petebat adeo, potuit attingere.

F A B U L A V.

Numquam est fidelis cum potente societas.
Testatur hæc fabella propositum meum.
q Vacca, & Capella, & patiens Ovis injuriæ
Socii fuere cum Leone in saltibus.
Hi cum cepissent Cervum vasti corporis,
Sic est locutus, partibus factis, Leo;
Ego primam tollo, nominor quia Leo;
Secundam, quia sum fortis, tribuetis mihi:
Tum quia plus valeo, me sequetur tertia:
Malo afficietur, si quis quartam tetigerit.
Sic totam prædam sola improbitas abstulit.

F A B U L A VI.

Vicini furis celebres vidit nuptias
Æsopus, & continuo narrare incipit:
q Uxorem quondam Sol cum vellet ducere,
Clamorem Ranae sustulere ad Sidera.
Convicio permotus querit Jupiter
Causam querelæ: quædam tum stagni incolæ:
Nunc, inquit, omnes unus exurit lacus:
Cogiteque miseras aridâ sede emori:
Quidnam futurum est, si crearit liberos?

F A B U L A VII.

Personam tragicam forte vulpes viderat,
O quanta species, inquit, cerebrum non habet!
q Hoc illis dictum est, quibus honorem, & gloriam,
Fortuna tribuit, sensum communem abstulit.

F A B U L A VIII.

Qui pretium meriti ab improbis desiderat.

Bis

FABULAR. LIB. I. 13

Bis peccat: primum quoniam indignos adjuvat.
 Impunè abire, deinde quia jam non potest.
 q Os devoratum fauce cum hæreret Lupi,
 Magno dolore victus capit singulos,
 Illicere pretio, ut illud extraherent malum;
 Tandem persuasa est jurejurando Gruis,
 Gulæque credens colli longitudinem,
 Periculosam fecit medicinam Lupo.
 Pro quo cum facto flagitaret præmium:
 Ingrata es, inquit, ore quæ nostro caput
 Incolume abstuleris, & mercedem postulas.

FABULA IX.

Sibi non cavere, & aliis consilium dare,
 Stultum esse, paucis ostendamus versibus.
 q Oppressum ab Aquila fletus edentem graves
 Leporem objurgabat Passer: Ubi pernicitas
 Nota, inquit, illa est, quid ita cessarunt pedes?
 Dum loquitur, ipsum accipiter nec opinum rapit,
 Questuque vano clamitantem interficit,
 Lepus semianimis mortis in Solatio:
 Qui modo securus nostra irridebas mala,
 Simili querela fata deploras tua.

FABULA X.

Quicumque turpi fraude semel innotuit,
 Etiam si verum dicit, amittit fidem.
 Hoc adtestatur brevis Æsopi fabula.
 q Lupus arguebat Vulpem furti crimine,
 Negabat illa, se esse culpæ proximam.
 Tunc judex inter illos sedit Simius.
 Uterque causam cum perorasset suam,
 Dixisse fertur, Simius Sententiam:
 Tu non videris perdidisse, quod petis,
 Te credo subripuisse, quod pulchrè negas.

FABULA XI.

Virtutis expers verbis jactans gloriam
 Ignotos fallit, notis est derisui.
 q Venari Afello comite cum vellet Leo,
 Contextit illum frutice, & admonuit simul,
 Ut insuetâ voce terreret feras,
 Fugientes ipse exciperet, hic aurículas

Clamore subito tollit totis viribus,
 Novoque turbat bestias miraculo;
 Quæ, dum paucæ, exitus notos petunt,
 Leonis afficiuntur horrendo impetu,
 Qui postquam exde fessus est, Asinum evocat,
 Jubetque vocem premere: tunc ille insolens:
 Qualis videretur tibi opera hæc vocis meæ?
 Insignis, inquit, sic, ut nisi nossem tuum
 Animum, genusque, simili fuissim in metu.

F A B U L A X I I.

Laudatis utiliora, quæ contempseris
 Sæpe inveniri, hæc exerit narratio.
 q Ad fontem Cervus cum bibisset, restitit,
 Et in liquore vidit effigiem suam.
 Ibi dum ramosa mirans laudat cornua,
 Crurumque nimiam tenuitatem vituperat,
 Venantium subito vocibus contritus,
 Per campum fugere cœpit, & cursu levi,
 Canes elusit, silva tunc excepit ferum,
 In qua retentis impeditus cornibus
 Lacerari cœpit morsibus sævis Canum.
 Tunc moriens; vocem hanc edidisse dicitur:
 O me infelicem, qui nunc demum intelligo,
 Ut illa mihi profuerint, quæ despexeram,
 Et quæ laudaram, quantum luctus habuerint,

F A B U L A X I I I.

Qui se laudari gaudet verbis subdolis,
 Perè dat pœnas turpi pœnitentiâ.
 q Cum de fenestra Corvus raptum caseum
 Commesse vellet celsa ressidens arbore,
 Hunc vidit Vulpes, de hinc sic oecœpit loqui:
 O qui tuarum, Corve, pennarum est nitor!
 Quantum decoris corpore, & vultu geris:
 Si vocem haberes, nulla prior ales foret.
 At ille stultus; dum vult vocem ostendere,
 Emisit ore caseum, quem celeriter
 Dolosa Vulpes avidis rapuit dentibus.
 Tum demum ingenuit Corvi deceptus stupor.
 Hac re probatur quantum ingenium valet.
 Virtute semper prævalet sapientia.

FABULA XIV.

Malus cum Sutor inopiâ deperditus
 Medicinam ignoto facere cœpisset loco,
 Et venditaret falso antidotum nomine,
 Verbolis acquisivit sibi famam strophis,
 Hic cum jaceret morbo confectus gravi,
 Rex urbis, ejus experiendi gratiâ,
 Scyphum poposcit, fusâ de in insimulans aquâ
 Anthidoto miscere illius se toxicum,
 Hoc bibere jussit ipsum posito præmio,
 Timore mortis ille tum confessus est,
 Non artis ullâ medicum se prudentiâ,
 Verum stupore vulgi factum nobilem,
 Rex advocatâ concione, hæc addidit:
 Quantæ putatis esse vos dementiæ,
 Qui capita vestra non dubitatis credere
 Cui calceandos nemo commisit pedes?
 q Hoc pertinere verè ad illos dixerim,
 Quorum stultitiæ quæstus impudentia est.

FABULA XV.

In principatu commutando, sæpius
 Nil præter domini nomen mutant pauperes.
 Id esse verum parva hæc fabella indicat.
 q Asellum in prato timidus pascebat senex
 Is hostium clamore subito territus,
 Suadebat Asino fugere, ne posset capi.
 At ille plentus, quæso, non binas mihi
 Clitellas impositurum victorem putas?
 Senex negavit: Ergo, quid refert mea,
 Cui serviam, clitellas dum portem meas?

FABULA XVI.

Fraudator nomen cum locat sponsum improbo,
 Non rem expedire, sed mala videre expetit.
 q Ovem rogabat Cervus modium tritici,
 Lupo sponfore, at illa præmetuens dolum:
 Rapere, atque abire semper adsuevit Lupus,
 Tu de conspectu fugere veloci imperu;
 Ubi vos requiram cum dies advenerit?

F A B U L A X V I I.

Solent mendaces luere pœnas malefici
 q Calumniator ab Ove cum peteret Canis
 Quem commendasse panem se contenderet,
 Lupus citatus testis, non unum modò
 Debere dixit, verùm affirmavit decem.
 Ovis damnata falso testimonio,
 Quod non debebat, solvit; post paucos dies
 Ovis jacentem in fovea conspexit Lupum:
 Hæc, inquit, merces fraudis à Superis datur.

F A B U L A X V I I I.

Nemo libenter recolit, qui læsit, locum.
 q Instante partu Mulier, actis mensibus,
 Humo jacebat flebiles gemitus ciens,
 Vir est hortatus, corpus lecto reciperet:
 Onus naturæ melius quo deponeret:
 Minimè, inquit, illo posse confido loco,
 Malum finire, quo conceptum est initio.

F A B U L A X I X.

Habent insidias hominis blanditiæ mali,
 Quas ut vitemus, versus subjecti monent.
 q Canis parturiens, cum rogasset alteram,
 Ut fœtum in ejus tugurio deponeret,
 Facile impetravit, dein reposcenti locum
 Preces admovit: tempus exorans breve,
 Dum firmiores catulos posset ducere.
 Hoc quoque consumpto, flagitare validius
 Cubile cœpit: Si mihi, & turbæ meæ
 Par, inquit, esse potueris, cedam loco.

F A B U L A X X.

Stultum consilium modò effectu caret,
 Sed ad perniciem quoque mortales devocat.
 q Corium depressum in fluvio viderunt Canes:
 Id, ut comesse extractum possent facilius;
 Aquam cœpere bibere: sed rupti prius
 Periere, quàm quod petierant, contingerent.

F A B U L A X X I.

Quicumque amisit dignitatem pristinam,
 Ignavis etiam jocus est in causa gravi.

q De-

q Defectus annis, & desertus viribus
 Leo cum jaceret spiritum extremum trahens,
 Aper fulmineis ad eum venit dentibus,
 Et vindicavit ictu veterem injuriam:
 Infestis Taurus mox confodit cornibus
 Hostile corpus. Asinus, ut vidit ferum
 Impune lædi, calcibus frontem exterit.
 At ille expirans; Fortes indignè tuli
 Mihi insultare, te naturæ dedecus
 Quod ferre cogor, certè bis videor mori.

F A B U L A XXII.

Mustela ab Homine presa, cum instantem nece
 Effugere vellet; Quæso, inquit, parcas mihi,
 Quæ tibi molestis muribus purgo domum.
 Respondit ille: Faceres si causa mea,
 Gratum esset, & dedissem veniam supplici:
 Nunc quia laboras, ut fruaris reliquis,
 Quæ sunt rosuri, simul & ipsos devores,
 Noli imputare vanum beneficium mihi.
 Atque ita locutus, improbam letho dedit.
 q Quorum privata servit utilitas sibi,
 Et meritum inane jactant imprudentibus.

F A B U L A XXIII.

Repente liberalis stultis gratus est,
 Verùm peritis irritos tendit dolos.
 q Nocturnus cum fur panem misisset Cani;
 Objecto tentans an cibo posset capi:
 Heus, inquit, linguam vis meam præcludere,
 Ne latrem pro re domini: multum falleris.
 Namque ista subita me jubet benignitas
 Vigilare, facias ne mea culpa lucrum.

F A B U L A XXIV.

Inops potentem dum vult imitari, perit:
 q In prato quodam Rana conspexit Bovem,
 Et tacta invidia tantæ magnitudinis,
 Rugosam inflavit pellem: tum natos suos
 Interrogavit, an Bove esset latior;
 Illi negarunt; rursus intendit cutem
 Majore nisu, & simili quæsit modo;
 Quis major esset; illi dixerunt, Bovem.

Novissimè indignata, dum vult validius
Inflare sese, rupto jacuit corpore.

F A B U L A XXV.

Consilia qui dant prava cautis hominibus,
Et perdunt operam, & deridentur turpiter
q Canes currentes bibere in Nilo flumine,
A Crocodillis ne rapiantur, traditum est.
Igitur cum currens bibere cœpisset canis,
Sic Crocodillus: Quamlibet lambe otio,
Noli vereri, at ille: Facerem mehercule,
Nisi esse scirem carnis te cupidum meæ.

F A B U L A XXVI.

Nulli nocendum: si quis verò læserit,
Mulctandum simili jure, fabella admonet.
q Vulpes ad cœnam dicitur Ciconiam
Prior invitasse, & illi in Patina liquidam
Posuisse sorbitionem, quam nullo modo
Gustare esuriens potuerit Ciconia,
Quæ Vulpem cum revocasset, intrito cibo
Plenam lagenam posuit: huic rostrum inferens
Satiatur ipsa, & torquet convivam fame:
Quæ cum lagenæ frustra collum lamberet,
Peregrinam sic locutam volucrem accepimus:
Sua quisque exempla debet æquo animo pati.

F A B U L A XXVII.

Hæc res avaris esse conveniens potest,
Et qui humiles nati dici locupletes student.
q Humana effodiens ossa, thesaurum Canis
Invenit, & violavit quia Manes Deos
Injecta est illi divitiarum cupiditas,
Pœnas ut sanctæ religioni penderet.
Itaque aurum dum custodit, oblitus cibi
Fame est consumptus: quem stans Vulturius super
Fertur locutus: ò Canis meritò jaces,
Qui concupisti subito regales opes,
Trivio conceptus, & educatus stercore.

F A B U L A XXVIII.

Quamvis sublimes debent humiles metuere
Vindicta docili quia patet solertiæ.
q Vulpinos catulos Aquila quondam sustulit,
Nido

Nidoque posuit, pullis escam, ut carperent :
 Hanc persecuta mater, orare incipit,
 Ne tantum miseræ luctum importaret sibi,
 Contempsit illa, tuta quippe ipsa loco.
 Vulpes ab ara rapuit ardentem facem,
 Totamque flammis arborem circumdedit,
 Hosti dolorem damno miscens sanguinis
 Aquila, ut periculo mortis eriperet suos,
 Incolumes natos supplex Vulpi tradidit.

F A B U L A X X I X.

Humiles laborant, ubi potentes dissident.
 q Rana in palude pugnam Taurorum intuens,
 Heu quanta nobis instat perniciēs ! ait.
 Interrogata ab alia, cur hoc diceret.
 De principatu cum illi certarent gregis,
 Longèque ab illis degerent vitam boves
 Natio, ait, separata, ac diversum est genus.
 Sed pulsus regno nemoris qui profugerit,
 Paludis in secreta veniet latibula,
 Et proculcatas obteret duro pede :
 Caput ita ad nostrum furor illorum pertinet.

F A B U L A X X X.

Qui se committit homini tutandum improbo,
 Auxilia dum requirit, exitium invenit.
 q Columbæ sæpe cum fugissent Milvium,
 Et celeritate pennæ vitassent necem,
 Consilium raptor vertit ad fallaciam,
 Et genus inerme tali decipit dolo :
 Quare sollicitum potius ævum ducitis,
 Quam regem me creatis isto fœdere,
 Qui vos ab omni tutas præstem injuria ?
 Illæ credentes, tradunt sese Milvio,
 Qui regnum adeptus cœpit vesci singulis,
 Et exercere imperium sævis unguibus,
 De reliquis tunc una : Merito pleðimur.

E X P L I C I T L I B. I.

INCIPIT LIB. II.

F A B U L A I.

Exemplis continetur Æsopi genus,
 Nec aliud quicquam per fabellas quæritur,
 Quam corrigatur error ut mortalium,
 Acuatque sese diligens industria.
 Quicumque fuerit ergo narrandi locus,
 Dum capiar autem, & servet propositum suum,
 Recommendatur non auctoris nomine.
 Equidem omni cura morem servabo senis:
 Sed si libuerit aliquid interponere
 Dictorum, sensus ut delectet varietas,
 Bonas in partes, lector, accipias velim.
 Sic ista tibi rependet brevitatis gratiam,
 Cujus verbosa ne sit commendatio,
 Attende cur negare cupidus debeas;
 Modestis etiam offerre, quod non petierint.
 q Super Juvenum stabat dejectum Leo:
 Prædator intervenit partem postulans:
 Darem, inquit, nisi soleres per te sumere:
 Et improbum rejecit. Forte innoxius
 Viator est deductus in eundem locum,
 Feroque viso retulit retro pedem.
 Cui placidus ille. Non est quod timeas, ait.
 Et quæ debetur pars tuæ modestiæ
 Audacter tolle, tunc diviso tergo,
 Silvas petivit, homini ut accessum daret.
 Exemplum egregium prorsus, & laudabile.
 Verum est aviditas dives, & pauper pudor.

F A B U L A II.

A feminis ut cumque spoliari viros,
 Ament, amentur, nempe exemplis discimus.
 q Ætatis mediæ cuidam, mulier non rudis.
 Tegebat annos celans elegantiâ:
 Animosque ejusdem pulchra juvenis cæperat,
 Ambæ videri dum volunt illi pares,

Capillos homini legere cœpere invicem .
 Cum se putaret pingi cura mulierum ,
 Calvus repente factus est , nam funditus
 Canos puella , nigros anus evellerat .

FABULA III.

Laceratus quidam morsu vehementis Canis .
 Tinctum cruore panem immisit maleficio ,
 Audierat esse quod remedium vulneris .
 Tunc sic Æsopus: Noli coram pluribus
 Hoc facere Canibus , ne vos vivos devorent ,
 Cum scierint esse tale culpæ præmium .
 q Successus improborum plures allicit .

FABULA IV.

Aquila in sublimi quercu nidum fecerat
 Felis cavernam nacta , in media pepererat :
 Sus nemoris cultrix fœtum ad ima posuerat ,
 Tum fortuitum Felis contubernium
 Fraude , & scelestâ sic evertit malitia .
 Ad nidum scandit volucris : Pernicies , ait .
 Tibi paratur , forsan , & miseræ mihi ,
 Nam fodere terram quod vides quotidie
 Aprum insidiosum , Quercum vult evertere ,
 Ut nostram in plano facilè progeniem opprimat ,
 T errore effuso , & perturbatis sensibus ,
 Direpit ad cubile fetosæ suis ;
 Magno , inquit , in periculo sunt nati tui .
 Nam simul exieris pastum cum tenero grege ,
 Aquila est parata rapere porcellos tibi .
 Hunc quoque timore postquam complevit locus ,
 Dolosa tuto condidit se se cavo .
 Inde evagata noctu suspensâ pede ,
 Ubi esca se replevit , & prolem suam
 Pavorem simulans prospicit toto die .
 Ruinam metuens Aquila ramis desidet :
 Aper rapinam vitans non prodit foras
 Quid multa ? inedia sunt consumpti cum suis ,
 Felisque catulis largam præbuerunt dapem .
 q Quantum homo bilinguis sæpe concinnet mali
 Documen tum habere stulta credulitas potest .

F A B U L A V.

Est Ardelionum quædam Romæ natio
 Trepidè concursans, occupata in otio,
 Gratis anhelans, multa agendo nihil agens,
 Sibi molesta, & aliis odiosissima.
 Hanc emendare, si tamen possum, volo
 Vera fabella: pretium est operæ attendere.
 q Cæsar Tiberius cum petens Neapolim,
 In Misenensem villam venisset suam.
 Quæ Monte summo posita Luculli manu,
 Prospectat Siculum, & prospicit Tuscum mare,
 Ex alticinctis unus atriensis,
 Cui tunica ab humeris linteo Peluso
 Erat detrita, cirris dependentibus,
 Perambulante læta Domino viridaria,
 Alveolo cœpit ligneo conspargere
 Humum æstuantem, come officium jactitans:
 Sed deriderur, inde notis flexibus
 Præcurrit alium in xystum, sedans pulverem,
 Agnoscit hominem Cæsar, remque intelligit.
 Heus, inquit, Dominus. Ille enim verò adfuit.
 Tunc sic jocata est tanti majestas Ducis;
 Multo majoris alapæ mecum veneunt.

F A B U L A VI.

Contra potentes nemo est munitus satis:
 Si verò accessit consiliator maleficus,
 Vis, & nequitia quicquid oppugnant, ruit.
 q Aquila in sublime sustulit testudinem,
 Quæ cum abdidisset cornea corpus domo,
 Nec ullo pacto lædi posset condita,
 Venit pèr auras Cornix, & propter volans
 Opimam sanè prædam rapuisti unguibus,
 Sed nisi monstrabo, quid sit faciendum tibi,
 Gravi nequicquam te lassabis pondere.
 Promissa parte, suadet, ut scopulum super
 Altis ab astris duram inlidat corticem,
 Qua comminuta facilè vescatur cibo.
 Inducta verbis Aquila monitis paruit,
 Simul, & magistræ largè divisit dapem.

Sic

Sic tuta quæ naturæ fuerat munere ,
 Impar duabus occidit tristi nece .

FABULA VII.

Muli gravati farcinis ibant duo :
 Unus ferebat fiscos cum pecunia ,
 Alter tumentes multo saccos hordeo .
 Ille onere dives celsa cervice eminens ;
 Clarumque collo jactans tintinabulum :
 Comes quieto sequitur , & placido gradu .
 Subito latrones ex insidiis advolant ,
 Interque cædem ferro mulum trusitant ,
 Diripiunt nummos, negligunt vile hordeum .
 Spoliatus igitur casus cum fleret suos ,
 Equidem , inquit alter, me contentum gaudeo .
 Nam nil amisi , nec sum læsus vulnere .
 q Hoc argumento tuta est hominum tenuitas ,
 Magnæ periculo sunt opes obnoxie .

FABULA VIII.

Cervus nemorosis excitatus latibulis ,
 Ut venatorum fugeret instantem necem ,
 Cæco timore proximam villam petit ,
 Et opportuno se bovili condidit .
 Heic Bos latenti : quidnam voluisti tibi
 Infelix ultro, qui ad necem cucurreris ,
 Hominumque tecto spiritum commiseris ?
 At ille supplex : Vos modo , inquit , parcite ,
 Occasione rursus erumpam data .
 Spatium dici noctis excipiunt vices :
 Frondem bubulcus adfert , nec ideo videt .
 Eunt subinde , & redeunt omnes rustici ,
 Nemo animadvertit : transit etiam villicus ,
 Nec ille quicquam sentit , tum gaudens ferus
 Bobus quietis agere cepit gratias ,
 Hospitium adverso quod præstiterint tempore ,
 Respondit unus : Salvum te cupimus quidem ,
 Sed ille, qui oculos centum habet , si venerit ,
 Magno in periculo vita vertetur tua .
 Hæc inter , ipse dominus cœna redit ;
 Et quia corruptos viderat nuper boves ,
 Accedit ad præsepe . Cur frondis parum est ?

Stramenta defunt: Tollere hæc aranea
 Quantum est, laboratis? dum scrutatur singula
 Cervi quoque alta est conspiciat cornua,
 Quem convocata jubet occidi familia
 Prædamque tollit, q Hæc significat fabula.
 Dominum videre plurimum in rebus suis.

F A B U L A I X.

Æsopo ingentem statuam posuere Attici,
 Servumque collocarunt æterna in basi,
 Patere honoris scirent ut cuncti viam,
 Nec generi tribui, sed virtuti gloriam.
 Quoniam occuparat alter, ne primus forem,
 Ne solus esset studi, quod superfluit.
 Nec hæc invidia, verum est æmulatio.
 Quod si labori fuerit Latium meo,
 Plures habebit, quos opponat Græciæ.
 Si livor obtrectare curam voluerit,
 Non tamen eripiet laudis conscientiam.
 Si nostrum studium ad aures pervenit tuas
 Et arte fictas animus sentit fabulas,
 Omnem querelam submovet felicitas.
 Sin autem doctus illis occurrit labor.
 Sinistra quos in lucem natura extulit,
 Nec quicquam possunt nisi meliores carpere,
 Fatale exitium corde durato feram,
 Donec fortunam criminis pudeat sui.

L I B. I I. E X P L I C I T.

I N C I P I T L I B E R I I I.

P HÆdri libellos gerere si desideras,
 Vaces oportet, Eutyche, à negociis,
 Ut liber animus sentiat vim carminis.
 Verum, inquis, tanti non est ingenium tuum,
 Momentum ut horæ pereat officii mei.
 Non ergo causa est manibus id tangi tuis
 Quod occupatis auribus non convenit.
 Fortasse dices; Aliqua venient feriæ.

Quæ

Quæ me soluto pectore ad studium vocent .

Legesne quæso potius viles nœnias ,

Impendas curam quam rei domesticæ ,

Reddas amicis tempora, Uxori vaces ,

Animum relaxes, otium des corpori ,

Ut adsuetam fortius præstes vicem ?

Mutandum tibi propositum est, & vitæ genus ,

Intrare si Musarum linen cogitas .

Ego , quem Pierio inater enixa est iugo ,

In quo tonanti sancta Mnemosyna Jovi

Fœcunda novies artium peperit chorum ,

Quamvis in ipsa natus sim pene schola ,

Curamque habendi penitus corde eraserim ,

Et laude invita in hanc vitam incubuerim ,

Fastidiosè tamen in cœtum recipior .

Quid credis illi accidere, qui magnas opes

Exaggerare quærit omni vigilia ,

Docto labori dulce præponens lucrum ?

Sed jam quodcumque fuerit (ur dixit Sinon

Ad regem cum Dardanie perductus foret)

Librum exarabo tertium Æsopi stilo ,

Honori , & meritis dedicans illum tuis :

Quem si leges , lætabor ; siu autem minus ,

Habebunt certè, quo se oblectent posteri .

Nunc Fabularum cur sit inventum genus

Brevi docebo , servitus obnoxia

Quia, quæ volebat, non audebat dicere ,

Affectus proprios in fabellas transtulit ,

Caluminamque fictis clusit jocis .

Ego porro illius semita feci viam .

Et cogitavi plura, quàm reliquerat ,

In calamitatem deligens quædam meam .

Quod si accusator alius Sejano foret ,

Si testis alius , iudex alius denique ,

Dignum faterer esse me tantis malis ,

Nec his dolorem delinirem remediis .

Suspicionem si quis errabit sua ,

Et rapiet ad se, quod erit commune omnium ,

Stulte nudabit animi conscientiam :

Huic excusatum me velim nihilominus .

Neque

Neque enim notare singulos mens est mihi,
Verùm ipsam vitam, & mores hominum ostendere.

Rem me professum dicet forsan aliquis gravè:

Si Phryx Æsopus potuit, Anacharsis Scythæ
Æternam famam condere ingenio suo:

Ego litteratæ qui sum propior Græciæ

Cur somno inerti deferam patriæ decus?

Threïssa cum gens numeret auctores suos,

Linoque Apollo sit parens; Musa Orpheo,

Qui saxa cantu movit, & domuit feras,

Hebrique tenuit impetus dulci mora.

Ergo hinc abesto livor, ne frustra gemas:

Quoniam mihi solemnis debetur gloria.

Induxi te ad legendum: sincerum mihi

Candore noto reddas judicium peto.

F A B U L A I.

Anus jacere vidit epotam amphoram,

Adhuc Falerna facie, testa nobili

Odorem, quæ jucundum latè spargeret.

Hunc postquam totis avida traxit naribus:

O suavis anima, qualem te dicam bonam

Antehæc fuisse, tales cum sint reliquæ?

Hoc quo pertineat dicet, qui me noverit.

F A B U L A I I.

Solet à despectis par referri gratia.

q Panthera imprudens olim in foveam decidit,

Vide re agrestes: alii fustes congerunt,

Alii onerant saxis, quidam contra miseriti,

Perituræ quippe, quamvis nemo læderet,

Misere panem, ut sustineret spiritum.

Nox infecuta est, abeunt securi domum,

Quasi inventuri mortuam postridie.

At illa vires ut refecit languidas,

Veloci saltu fovea sese liberat,

Et in cubile concito properat gradu.

Paucis diebus interpositis, provolat.

Pecus trucidat, ipsos pastores necat,

Et cuncta vastans sævit irato impetu.

Tum sibi timentes, qui feræ pepercerant,

Damaum haud recusant, tantum pro vita rogant:

Et

Et illa, Memini, qui me saxo petierint,
 Qui panem dederint : vos timere abſiſtite ,
 Illis revertor hoſtis , qui me læſerant .

FABULA III.

Pendere ad Lanium quidam vidit Simium
 Inter reliquas merces , atque obſonia .
 Quæſivit, quidnam ſaperet, tum Lanius jocans :
 Quale , inquit , caput eſt, talis præſtatur ſapor .
 q Ridiculè magis hoc dictū,quam verè eſtimo ,
 Quando,& formoſos ſæpe inveni peſſimos ,
 Et turpi facie multos cognovi optimos

FABULA IV.

Succellus ad perniciem multos devocat .
 q Æſopo quidam petulans lapidem impeggerat .
 Tanto , inquit , melior : aſſem deinde illi dedit ,
 Sic proſecutus : Plus non habeo inehercule,
 Sed unde accipere poſſis monſtrabo tibi .
 Venit ecce dives , & potens : huic ſimiliter
 Impinge lapidem , & dignum accipies præmiū .
 Perſuaſus ille fecit , quod monitus fuit .
 Sed ſpes feſellit impudentem audaciam ,
 Comprehenſus namque pœnas perſolvit cruce.

FABULA V.

- Muſca in remone ſedit , & Mulam increpās :
 Quam tarda es, inquit, non vis citius progredi?
 Vide ne dolone collum compungam tibi.
 Reſpondit illa : Verbis non moveor tuis ,
 Sed iſtum timeo ſella , qui prima ſedens
 Jugum flagello temperat lento meum ,
 Et lora frenis continet ſpumantibus .
 Qua propter aufer frivola inſolentiam :
 Namque ubi ſtrigandum eſt,& ubi currendum,ſcio ,
 q Hac derideri fabula meritò poteſt ,
 Qui ſine virtute vanas exercet minas .

FABULA VI.

Quam dulcis ſit libertas breviter proloquar .
 q Cani perpaſto , macie conſectus Lupus
 Forte occurrit : ſalutantes dein invicem
 Ut reſtiterunt ; Unde ſic , quæſo , nites ,
 Aut quo cibo feciſti tantum corporis ?

Ego qui sum longè fortior , pereo fame .
 Canis simpliciter . Eadem est conditio tibi ,
 Præstare domino si per officium potes .
 Quod ? inquit ille . Custos ut sis liminis ,
 A furibus , tuearis & noctu domum .
 Ego verò sum paratus : nunc patior nives ,
 Imbresque , in sylvis asperant vitam trahens ,
 Quanto est facilius mihi sub tecto vivere ,
 Et otiosum largo satiari cibo ?
 Veni ergo mecum . Dum procedunt , aspicit
 Lupus à catena collum detritum Canis .
 Unde hoc amice ? Nihil est . Dic , quæso , tamen .
 Quia videor acer , alligant me interdium ,
 Luce ut quiescam , & vigilem , nox cum venerit ;
 Crepusculo solutus , qua visum est , vagor .
 Adfertur ultro panis , de mensa sua
 Dat ossa dominus , frustra jactat familia ,
 Et quod fastidit quisque pulmentarium .
 Sic sine labore venter impletur meus .
 Age , si quo est abire animus , est licentia ?
 Non plane est , inquit . Fruere , quæ laudas Canis .
 Regnare nolo , liber ut non sim mihi .

F A B U L A VII.

Præcepto monitus sæpe te considera .
 q Hæbat quidam filiam turpissimam ,
 Idemque insigni , & pulchra facie filium
 Hi . speculum in cathedra matris suppositum fuit
 Pueriliter iudentes , forte inspexerant .
 Hic se formosum jactat ; illa irascitur ,
 Nec glorientis sustinet fratris jocos ,
 Accipiens (quid enim ?) cuncta in contumeliam
 Ergo ad patrem cucurrit læsura invicem ,
 Magnaque invidia criminatus filium ,
 Vir natus , quod rem feminarum tetigerit .
 Amplexus utrumque ille , & carpens oscula ,
 Dulcemque in ambos charitatem partiens :
 Quotidie , inquit , speculo vos uti volo ,
 Tu formam ne corrumpas nequitie malis :
 Tu faciem ut istam moribus vincas bonis :

FABULA VIII.

Vulgare amici nomen, sed rara est fides.

q Cum parvas ædes sibi fundasset Socrates,
(Cujus non fugio mortem, si famam adsequar,
Et cedo invidiæ, dum modo absolvat cinis)
E populo sic nescio quis, ut fieri solet:
Quæso, tam angustam talis vir ponis domum?
Utinam, inquit, veris hanc amicis impleam.

FABULA IX.

In sterquilino pullus gallinaceus

Dum quærit escam, margaritam repperit:

Jaces indigno quanta res, inquit, loco!

O si quis pretij cupidus vidisset tui!

Olim redisses ad splendorem maximum:

Ego, qui te inveni, potior, cui multo est cibus,

Nec tibi prodesse, nec mihi quicquam potes

q Hoc illis narro, qui me intelligunt.

FABULA X.

Apes in alta quercu fecerant favos;

Hos Fuci inertes esse dicebant suos.

Lis ad forum deducta est; Vespâ judice

Quæ genus utrumque nosset cum pulcherrime,

Legem duabus hanc proposuit partibus:

Non inconueniens corpus, & par est color,

In dubium plane res ut merito venerit:

Sed ne religio peccet imprudens mea,

Alveos accipite, & ceris opus infundite,

Ut ex sapore mellis, & forma favi,

De queis nunc agitur, auctor horum appareat

Fuci recusant, Apibus conditio placet.

Tunc illa talem sustulit sententiam:

Apertum est, quis non possit, aut quis fecerit.

Quapropter Apibus fructum restituo suum.

q Hanc præterissem fabulam silentio,

Si pactam Fuci non recusassent fidem,

FABULA XI.

Puerorum in turba quidam ludentem Atticus

Æsopum nucibus cum vidisset, restitit,

Et quasi delirum risit, quod sensit simul

Derisor potius, quam deridendus senex,

Ar-

Arcum retensum posuit in media via :
 Heus , inquit , sapiens , expedi , quid fecerim
 Concurrit populus : ille se torquet diu ,
 Nec quæstionis positæ causam intelligit
 Novissimè succumbit , tum victor sophus :
 Cito rumpes arcum , semper si tensum habes ;
 At si laxaris , cum voles , erit utilis .
 q Sic lusus animo debent aliquando dari ,
 Ad cogitandum melior ut redeat tibi .

F A B U L A X I I .

Inter capellas Agno halanti Canis ,
 Stulte , inquit , erras : non est hæc mater tua .
 Ovesque segregatas ostendit procul .
 Non illam quæro , quæ cum libitum est , concepit ,
 Dein portat onus ignotum certis mensibus ,
 Novissimè prolapsam effundit sarcinam :
 Verùm illam , quæ me nutrit admoto ubere ,
 Fraudatque natos lacte , ne desit mihi
 Tamen illa est potior , quæ te peperit . Non ita est ,
 Uade illa scivit , niger , an albus nascerer)
 Age porro scisset : cum crearer masculus ,
 Beneficium magnum sane natâli dedit ,
 Ut expectarem lanium in horas singulas -
 Cujus potestas nulla in gignendo fuit ,
 Dulcemque sponte præstat benevolentiam ?
 Facit parentes bonitas , non necessitas .
 q His demonstrare voluit auctor versibus
 Oblistere homines legibus , meritis capi .

F A B U L A X I I I .

Humanitati qui se non accomodat ,
 Plerumque pœnas oppetit superbix .
 q Cicada acerbum noctuæ convicium
 Faciebat , solitæ victum in tenebris quærere ,
 Cavoque ramo capere somnum interdiu .
 Rogata est ut taceret , multo validius
 Clamare cæpit , rursus admota prece ,
 Accensa magis est . Noctua ut vidit sibi
 Nullum esse auxilium , & verba contemni sua ,
 Hac est adgressa garrulam fallacia :
 Dormire quia me non sinit cantus tui ,

Sona-

FABULAR. LIB. III. 31

Sonare cithara quos putes Apollinis ,
Potare est animus nectar , quod Pallas mihi
Nuper donavit : si non fastidis , veni ;
Una bibamus , illa , quæ ardebat siti ,
Simul cognovit vocem laudari suam ,
Cupidè advolavit . Noctua egressa cavo
Trepidantem consectata est , & lætho dedit .
Sic viva quod negarat , tribuit mortua .

FABULA XIV.

Olim quas vellent esse in tutela sua
Divi legerunt arbores , quercus Jovi ,
Et myrtus Veneri placuit , Phœbo laurea ,
Pinus Cybelæ , populus celsa Herculi .
Minerva admirans , quare steriles sumerent ,
Interrogavit : causam dixit Juppiter :
Honore fructum ne videamur vendere :
At mehercule narrabit , quod quis voluerit ,
Oliva nobis propter fructum est gratior .
Tunc sic Deorum genitor , atque hominum fator :
O nata , merito sapiens dicere omnibus :
Nisi utile est , quod facimus , stulta est gloria .
q Nihil agere , quod non profit . fabella admonet .

FABULA XV.

Pavo ad Junonem venit , indignè ferens
Cantus lusciniæ , quod sibi non tribuerit :
Illum esse cunctis avibus admirabilem ;
Se derideri simul ac vocem miserit .
Tunc consolandi gratia dixit Dea :
Sed forma vincis , vincis magnitudine ;
Nitor smaragdi collo præfulget tuo ,
Pictisque plumis gemmeam caudam explicas .
Quo mi inquit mutam speciem , si vincor sono ?
Fatorum arbitrio partes sunt vobis datæ .
Tibi forma , vires aquilæ , luscino melos ,
Augurium corvo , læva cornici omnia ,
Omnes quæ propriis sunt contentæ vocibus .
q Noli adsectare , quod tibi non est datum ,
Delusa ne spes ad querelam recidat .

Æsopus domino solus, cum esset familia;
Parare cœnam iussus est maturius.
Ignem ergo quærens, aliquot lustravit domus,
Tandemque invenit ubi lucernam accenderet.
Tum circumeunti fuerat quod iter longius,
Effecit brevius: namque recta per forum
Cœpit redire, & quidam è turba garrulus,
Æsope, medio sole quid cum lumine,
Hominem quæro, inquit, & abit festinans domum,
q Hoc si molestus ille ad animum retulit.
Sensit profecto se hominem non visum seni,
Intempestivè qui occupato adluserit.

F A B U L A X V I.

Qui natus est infelix, non vitam modo
Tristem decurrit, verùm post obitum quoque
Persequitur illum dura fati miseria.
q Galli Cybeles circum quæstus ducere
Asinum solebant bajulantem sarcinas.
Is cum labore, & plagis esset mortuus
Detracta pelle sibi fecerunt tympana.
Rogari mox à quodam, delicio suo
Quidnam fecissent, hoc locuti sunt medo:
Putabat se post mortem securum fore,
Ecce aliæ plagæ congeruntur mortuo.

E X P L I C I T L I B. I I I.

I N C I P I T L I B. I V.

J Oculare tibi viderur: & sanè benè:
Dum nihil habemus majus, calamo ludimus,
Sed diligenter intuere has nœnias,
Quantam sub illis utilitatem reperies?
Non semper ea sunt, quæ videntur, decipit.
Frons prima multos: rara, mens intelligit
Quod interiore condidit cura angulo.
Hoc ne locutus sine mercede existimer,
Fabellam adiciam de mustela & muribus.

FABULA I.

Mustela cum annis, & senecta debilis,
 Mures veloces non valeret adsequi,
 Involvit se farina, & obscuro loco
 Abiecit negligenter. Mus ascam putans
 Adsilvit, & compressus occubuit neci:
 Alter similiter, deinde periit tertius:
 Aliquot secutis, venit & rerorridus,
 Qui sæpe laqueos, & muscipula effugerat,
 Proculque insidias cernens hostis callidi:
 Sic valeas, inquit, ut farina es, quæ jaces.

FABULA II.

Fame coacta Vulpes alta in vinea
 Uvam adpetebat summis saliens viribus,
 Quam tangere ut non potuit, discendens ait:
 Nondum matura est, nolo acerbam sumere.
 q Qui, facere quæ non possunt, verbis elevant,
 Adscribere hoc debebunt exemplum sibi.

FABULA III.

Equus sedare solitus quo fuerat sitim,
 Dum sese Aper volutat, turbavit vadum.
 Hinc orta lis est, sonipes iratus fero,
 Auxilium petiit hominis, quem dorso levans
 Rediit ad hostem lætus, hunc telis eques
 Postquam interfecit, sic locutus traditur:
 Lætor tulisse auxilium me precibus tuis:
 Nam prædam cœpi, & didici, quam sis utilis.
 Atque ita coegit frenos invitum pati.
 Tum mœstus ille: Parvæ vindictam rei
 Dum quæro demens, servitutem repperi.
 q Hæc iracundos admonebit fabula,
 Impune potius lædi, quam dedi alteri.

FABULA IV.

Plus esse in uno sæpe, quam in turba boni,
 Narrationi posteris tradam brevi.
 q Quidam decedens tres reliquit filias,
 Unam formosam, & oculis venautem viros
 At alteram lanificam, & frugi rusticam;
 Devotam vino tertiam, & turpissimam.
 Harum autem matrem fecit heredem senex

Sub

Sub conditione, totam ut fortunam tribus
Æqualiter distribuatur, sed tali modo,
Ne data possideant, aut fruantur, tum simul
Habere res desierint, quas acceperint,
Centena matri conferant sestertia.
Athēnas rumor implet; mater sedula
Jurisperitos consulit: nemo expedit,
Quo pacto non possideant, quod fuerit datum;
Fructumque capiant: deinde, quæ tulerint nihil.
Quanam ratione conferant pecuniam.
Postquam consumpta est temporis longi mora,
Nec testamenti potuit sensus colligi,
Fidem advocavit, jure neglecto, parens:
Seponit mœchæ vestem, mundum muliebrem,
Lavationem argenteam, eunuchos glabros:
Lanificæ agellos, pecora, villam, operarios,
Boves, jumenta, & instrumentum rusticum:
Potrici, plenam antiquis apothecam cadis,
Domum politam & delicatos hortulos.
Sic destinata dare, cum vellet singulis,
Et approbaret populus, qui illas noverat,
Æsopus media subito in turba constitit:
O si mæneret conditio sensus patris,
Quam graviter ferret, quod voluntatem suam
Interpretari non potuissent Attici!
Rogatus deinde solvit errorem omnium.
Domum, & ornamenta cum venustis hortulis
Et vina vetera date lanificæ rusticæ:
Vestem, uniones, pedisequos, & cætera
Illi assignate, vitam quæ luxu trahit:
Agros, vites, & pecora cum pastoribus
Donate mœchæ: Nulla poterit perpeti
Ut moribus quid teneat alienum suis.
Deformis cultum vender, ut vinum paret;
Agros abiiciet mœcha, ut ornatum paret:
At illa gaudens pecore, & lanæ dedita,
Quæcumque summū tradet luxuriæ domum:
Sic nulla possidebit, quod fuerit datum,
Et dictam matri conferent pecuniam
Ex pretio rerum, quas vendiderint singulæ.

q Ita quod multorum fugit imprudentiam ,
Unius hominis repperit solertia .

F A B U L A V.

Cum victi Mures Mustellarum exercitu
(Quorum in tabernis historia ædingitur)
Fugerent , & arctos circum trepidarent cava
Ægre recepti ; tamen evaserunt necem .

Duces eorum , qui capitibus cornua
Suis ligarant , ut conspicuum in prælio
Haberent signum , quod sequerentur milites ,
Hædere in portis , suntque capti ab hostibus ,
Quos immolatos victor avidis dentibus
Capacis alvi misit tartareo specu .

q Quemcumque populum tristis eventus premat ,
Periclitatur magnitudo principum ,
Minuta plebs facili præsidio latet .

F A B U L A V I.

Tu qui nasute scripta distringis mea ,
Et hoc jocorum legere fastidis genus ,
Parvâ libellum sustine patientiâ ,
Severitatem frontis dum placo tuæ ,
Et in cothurnis prodit Æsopus novis .

Utinam nec numquam Pelæi nemoris jugo
Pinus bipenni concidisset Thessala ,
Nec ad professæ mortis audacem viam
Fabricasset Argus opere Palladio ratem ,
Inhospitalis prima , quæ Ponti sinus
Patefecit , in perniciem Grajum , & Barbarum.
Namquæ & superbi luget Ætæa domus ,
Et regna Pelææ scelere Medææ jacent ,
Quæ sævum ingenium variis involvens modis ,
Illic per artus fratris explicuit fugam ,
Hic cæde patris Peliadum infecit maris .

Quid tibi videtur ? hoc quoque insulsum est , ais ,
Falsoque dictum ; longè quia vetustior
Ægea Minos classe perdomuit freta ,
Iustoque vindicavit exemplo imperum :
Quid ergo possum facere tibi , lector Cato ,
Si nec fabellæ te juvant , nec fabulæ ?
Noli molestus esse omnino literis ,

Majo-

Majorem exhibeant ne tibi molestiam .
 Hoc illis dictum est , si qui stulti nauscant :
 Et ut putentur sapere , cælum vituperant .

F A B U L A V I I .

Mordaciorum qui improbo dente adpetit ,
 Hoc argumento , se describi sentiat .
 q In officina Fabri venit vipera .
 Hæc cum tentaret si qua res esset cibi ,
 Limam momordit ; illa contra contumax :
 Quid me , inquit , stulta , dente captas ledere ,
 Omne adsuevi ferrum quæ corrodere ?

F A B U L A V I I I .

Homo simul ac venit in magnum periculum ,
 Effugium reperire alterius quærit malo .
 q Cum decidisset Vulpes in puteum inscia ,
 Et altiore clauderetur margine ,
 Devenit Hircus sitiens in eundem locum :
 Simul rogavit , esset an dulcis liquor ,
 Et copiosus . Illa fraudem moliens :
 Descende , amice , tanta bonitas est aquæ ,
 Voluptas ut satiari non possit mea .
 Immisit se barbatus , tum Vulpecula
 Evasisit puteo , nixa celsis cornibus :
 Hircumque clausulo liquit hærentem vado ,

F A B U L A I X .

Peras imposuit Juppiter nobis duas :
 Propriis repletam vitiis post tergum dedit .
 Alienis ante pectus suspendit gravem .
 q Hac re videre nostra mala non possumus :
 Alii simul delinquant , censores sumus .

F A B U L A X .

Lucernam fur accendit ex ara Jovis ,
 Ipsumque compilavit ad lumen suum .
 Onustus qui sacrilegio cum discederet ,
 Repente vocem sancta misit Religio :
 Male rum quamvis ista fuerint munera ,
 Mihi que invisa , ut non offendar subripi ;
 Tamen scelestæ , spiritu culpam lues
 Olim cum adscriptus venerit pœnæ dies :
 Sed ne ignis noster facinoræ præluceat ,

Per

FABULAR. LIB. IV. 37

Per quem verendos excolit pietas Deos .
Veto esse tale luminis commercium .
Ita hodie nec lucernâ de flammâ Deum ,
Nec de lucernâ fas est accendi Sacrum .
q Quot res contineat hoc argumentum utiles
Non explicabit alius, quam qui reperit .
Significat primo , saepe quos ipse alueris ,
Tibi inveniri maximè contrarios .
Secundò ostendit , scelera non irâ Deum ,
Factorum dicto sed puniri tempore .
Novissimè intercedit, ne cum maleficio
Usam bonum consociet ullius rei .

FABULA XII.

Opes invisæ merito sunt forti viro ,
Quia dives arca veram laudem intercipit .
q Cælo receptus propter virtutem Hercules ,
Cum gratulantes persalutassèt Deos .
Veniente Pluto , qui Fortunæ est filius ,
Avertit oculos : causam quæsitivæ Pater .
Odi, inquit , illum , quia malis amicus ,
Simulque , objecto cuncta corrumpit lucro .

FABULA XIII.

Utilitas homini nihil est , quam recte loqui :
Probanda cunctis est quidem sententia :
Sed ad perniciem solet agi sinderitas .
q Cum se ferarum regem fecisset Leo ,
Et æquitas velleat famam consequi ,
A pristinâ deflexit consuetudine ,
Arque inter illas tenui contentus cibo ,
Sancta incorrupta jura redebat fides :

DESUNT RELIQUA

FABULA XIII.

Barbam capelle cum impetrassent ab Jove .
Hirci merentes indignari cœperant .
Quod dignitatem se non æquassent suam .
Sinite , inquit , illas gloriam vanam frui ,
Et usurpare vestri exultum maneris ,
Pares dum non sint vestræ fortitudinis .

Hoc

q Hoc argumentum monet, ut sustineas tibi
Habitum esse similes, qui sint virtute impares.

F A B U L A X I V.

Cum de fortunis quidam quereretur suis,
Æsopus finxit consolandi gratia,

q Vexatâ lævis Navi tempestatibus.
Inter vectorum lacrymas, & mortis metum,
Faciem ad serenam subito mutatur dies.

Ferri secundis tutâ cœpit flatibus;
Nimisque Nautas hilaritate extollere.
Factus periculo tum Gubernator sopus.

Parce, gaudere oportet, & sensim queri:
Totam quia vitam miscet dolor, & gaudium.

F A B U L A X V.

Qui fert malis auxilium, post tempus dolet.

q Gelu rigentem quidam Colubram sustulit,
Sinuque fovit contra se ipse misericors:
Namque ut refecta est, nectuit hominem protinus.
Hanc alia cum rogaret causam facinoris,
Respondit: Ne quis discat prodesse improbis.

F A B U L A X V I.

Vulpes cubile fodiens, dum terram eruit,
Agitque plures atq; cuniculos,
Pervenit ad Draconis speluncam ultimam,
Custodiebat qui thesauros abditos.
Hunc simul aspexit; Oro, ut imprudentiæ
Des primum veniam; deinde si pulchre vides,
Quam non conveniens aurum sit vitæ meæ,
Respondeas clementer, quem fructum capis
Hoc ex labore, quodve tantum est præmium,
Ut careas somno, & ævum in tenebris exigas.
Nullum, inquit ille: verum hoc à summo mihi
Jove attributum est. Ergo nec sumis tibi,
Nec ulli donas quidquam, sic satis placet.
Nolo irascaris, libere si dixerō:
Diis est iratis natus, qui est similis tibi.

Abiturus illuc, quo priores abierunt,
Quid mente cœca miserum torques spiritum?
Tibi dico avare, gaudium heredis tui,
Qui tuare superos, ipsum te fraudas cibo,

Qui

Qui tristis audis musicum citharæ sonum ,
 Quem tibiærum macerat jucunditas ,
 Obsoniorum pretia cui gemitum exprimunt :
 Qui dum quadrantes aggeras patrimonio
 Cælum fatigas sordido perjurio ,
 Qui circumcidis omnem impensam funeris ,
 Libisina ne quid de tuo faciat lucrum .

FABULA XVII.

Quid judicare cogitur livor modò ,
 Licet dissimulet , pulchrè tamen intelligo .
 Quicquid putabit esse dignum memoriæ
 Ælopi dicet : si quid minus adriserit ,
 A me contendet fictum quovis pignore :
 Quem volo, refelli jam nunc responso meo :
 Sive hoc ineptum , sive laudandum est opus ,
 Invenit ille , Nostra perfecit manus .
 Sed exequamur cæptum propositi ordinem .

FABULA XVIII.

Homo doctus in se semper divitias habet .
 Simonides , qui scripsit egregium melos ,
 Quo paupertatem sustineret facilius ,
 Circumire capit urbes Asiæ nobiles ,
 Mercede accepta laudem victorum canens .
 Hoc genere quæstus postquam locuples factus
 Venire in patriam voluit cursu pelagio ,
 (Erat autem natus, ut ajunt, in Cæo insula)
 Ascendit navem , quam tempestas horrida ,
 Simul & verustas mediæ dissolvit mari .
 Hi zonas , illi res pretiosas colligunt
 Subsidiûm vitæ : quidam curiosior ,
 Simonide , tu ex opibus nihil sumis tuis ?
 Mecum, inquit, mea sunt cuncta, tunc pauci enat in-
 Quia plures onere degravati perierant .
 Prædones adsunt , rapiunt quod quisque extulit
 Nudos relinquunt , fortè Clazomenæ prope ,
 Antiqua fuit urbs, quam petierunt naufragi .
 Hic literarum quidam studio deditus ,
 Simonidis qui sæpè versus legerat ,
 Eratque absentis admirator maximus ,
 Sermone ab ipso cognitum, cupidissimè

Ad se recepit, veste, nummis, familia
 Hominem exornavit: ceteri tabulam suam
 Portant, rogantes victum, quos casu obviis
 Simonides, ut vidit; Dixi, inquit, mea
 Mecum esse cuncta. Vos quod rapuistis, perie.

F A B U L A X I X.

Mons parturiebat, gemitus immanes ciens,
 Eratque in terris maxima expectatio:
 At ille inurem peperit. Hoc scriptum est tibi
 Qui magna cum minaris, extricas nihil.

F A B U L A X X.

Formica, & Musca contendebant acriter,
 Quæ pluris esset: Musca sic cepit prior.
 Conferre nostris tu potes te laudibus?
 Ubi immolatur, exta prægusto Deum
 Moror inter aras, templa perlustro omnia,
 In capite regis sedeo, cum visum est mihi,
 Et Matronarum casta delibo oscula:
 Laboro nihil, atque optimis rebus fruor.
 Quid horum simile tibi contingit rustica?
 Est gloriosus sanè convictus Deum,
 Sed ille qui invitatur, non qui invisus est.
 Reges commemoras & matronarum oscula:
 Ego Granum in hyemem cum studiosè congero,
 Te circa murum video pasci, stercore
 Aras frequentas, ne me abigeris quo venis:
 Nihil laboras, ideo cum opus est, nihil habes.
 Superba jactas tangere, quod debet pudor.
 Æstate me laceassis; cum bruma est, siles:
 Mori contractam cum te cogunt frigora,
 Me copiosa recipit incolumem domus.
 Satis profecto rectius superbiam,
 q Fabella talis hominum discernit notas
 Eorum, qui se falsis ornant laudibus,
 Et quorum virtus exhibet solidum decus.

F A B U L A X X I.

Quantum valerent inter homines literæ
 Dixi superius: quantus nunc illis honor
 A superis sit tributus, tradam memoriæ.
 Simonides idem ille, de quo sæculi,

Victoris laudem cuidam Pythæ ut scriberet
 Certo condixit pretio, secretum petit:
 Exigua cum frenaret materia impetum,
 Usus poetæ, ut moris est, licentia,
 Atque interposuit gemina Leda sidera,
 Auctoritatem similis referens gloriæ,
 Opus approbavit sed mercedis tertiam
 Accepit partem; cum reliquam posceret;
 Illi, inquit, reddem, quorum sunt laudes duæ.
 Verum ne iratè dimissum te sentiam,
 Ad cœnam mihi promitte; cognatos volo
 Hodie invitare, quorum es in numero mihi.
 Fraudatus quavis & dolens injuria,
 Ne male dimissam gratiam corrumpere.
 Promisit, rediit hora dicta, recubuit.
 Splendebat hilare populis convivium,
 Magnò apparatu late resonabat domus;
 Repente cum duo juvenes sparsi pulvere,
 Sudore multo diffuentes corpora,
 Humanam supra formam, cuidam servulo
 Mandat, ut ad se provocet Simonidem.
 Illius interesse ne faciat moram.
 Homo perturbatus excitat Simonidem.
 Unum promorat vix pedem Triclinio,
 Ruma cameræ subito oppressit ceteros;
 Nec ulli juvenes sunt reperti ad januam.
 Ut est vulgatus ordo narratæ rei,
 Omnes scierunt, numinum presentiam
 Vari dedisse vitam, mercedis loco.

FABULA XXII.

Supersunt mihi quæ scribam, sed parco, sciens
 Primum, esse ne tibi videar molestior.
 Distingit quem multarum rerum varietas
 Dein si quis eadem forte conari velit,
 Habere ut possit aliquid operis residui
 Quamvis materiæ tantâ abundet copiâ,
 Labori faber ut desit, non fabro labor.
 Brevitatis nostræ præmium ut reddas, peto
 Quod est pollicitus; exhibe vocis fidem.
 Nam vita morti propior est quotidie:

Et

Et hoc minus veniet ad me muneris
 Quod plus consumet temporis dilatio.
 Si cito rem perages, usus fiet longior:
 Fruar diutius, si celerius cœpero.
 Langentis ævi dum sunt aliquæ reliquæ:
 Auxilio locus est: olim senio debilem
 Frustra adjuvare bonitas nitetur tua,
 Cum jam desierit esse beneficium utile,
 Et mors vicina flagitabit debitum.
 Stultum admoveere tibi preces existima,
 Proclivis ultro cum sit misericordia
 Sæpe impetravit veniam confessus reus,
 Quanto innocenti justius debet dari?
 Tuæ prius sunt partes, aliorum dein:
 Similique gyro venient aliorum vices.
 Decerne, quod religio, quod patitur fides,
 Et gratulari me fac iudicio tuo.
 Excedit animus, quem præposuit, terminum,
 Sed difficulter continetur spiritus
 Integritatis qui sinceræ conscius,
 A noxiorum premitur insolentiis.
 Qui sint, requires, apparebunt tempore.
 Ego quondam legi quam puer sententiam
 Palam mutire plebejoperculum est,
 Dum sanitas constabit, pulchre meminero.

EXPLICIT LIB. IV.

INCIPIT LIB. V.

CUM destinassem operis habere terminum,
 In hoc ut aliis esset materiæ satis,
 Consilium tacito corde damnavi meum
 Nam si quis talis etiam est tiruli artifex.
 Quo pacto divinabit quidnam omiserim,
 Ut illum ipsum cupiam famæ tradere:
 Sua cuique cum sit animi cogitatio
 Colorque prior. Ergo non levitas mihi
 Sed certa ratio causam scribendi dedit.

Quare

Quare, Particulo, quoniam caperis fabulis
 Quas Æsopias non Æsopi nominimo,
 Quasi paucas ostenderit, ego plures dissero,
 Usus vetusto genere, sed rebus novis.
 Quartum libellum dum tu variè perleges,
 Hunc obtrektare si volet malignitas,
 Imitari dum non possit, obtrektet licet.
 Mihi parta laus est, quod tu, quod similes tui
 Vestras in chartas verba transferitis mea,
 Dignumque longa judicatis memoria.
 In literarum plausum ire desidero.

FABULA I.

Æsopi nomen sicubi interposuero
 Cur reddidi jam pridem, quidquid debui,
 Auctoritatis esse scito gratia,
 Ut quidam artifices nostro faciunt seculo,
 Qui pretium operibus majus inveniunt, novo
 Si marmori adscripserunt Praxitelem, suo
 Myronem argento, plus vetustis nam faver
 Invidia mordax, quam bonis presentibus.
 Sed jam ad fabellam talis exempli seror,
 q̄ Demetrius, qui dictus est Phalereus,
 Athenas occupavit imperio improbo.
 Ut mos est vulgi, passim, & certatim ruunt,
 Feliciter, succlamant ipsi principes:
 Illam osculantur, qua sunt oppressi, manum,
 Tacitè gementes tristem fortunæ vicem.
 Quin etiam resides, & sequentes otium
 Ne defuisse noceat, repetunt ultimi;
 Inquis Menander nobilis comœdiis
 Quas, ipsum ignorans, legerat Demetrius,
 Et admiratus fuerat ingenium viri,
 Unguento delibutus, vestitu affluens,
 Veniebat gressu delicato, & languido.
 Hunc ubi tyrannus vidit extremo agmine.
 Quinam cinædus ille in conspectu meo
 Audet venire? responderunt proximi:
 Hic est Menander scriptor, mutatus statim,
 Compellit hominem blandè, dextramque arripi.

Viam expediti pariter carpebant duo,
 Imbellie, alter at promptus manu.
 Occurrit illis Latro, & intentans necem
 Qurum propascit. Quidam confestim irruens
 Vimui repellit, ac ferro incautum occupat,
 Et Vindicavit sese forti dextera,
 Latrone occiso, timidus accurrit comes,
 Stringitque gladium, dein rejecta penula:
 Cedo, inquit, illum; jam curabo, sentiat
 Quos attentarit, tunc qui depugnaverat
 Vellem istis verbis saltem adjuvisse modo,
 Constantior fuisset vera exultans:
 Nunc condeferum, & linguam pariter futilem
 Ut possis alios ignorantes fallere.
 Ego, qui sum expertus, quantis fugiant viribus,
 Scis, quod virtuti non sit credendum tua.
 q. Illi assignari debet hęc narratio.
 Qui te secunda fortis est, dubia fugax

F A B U L A I I I.

Calvi momordit Musca nudatum caput;
 Quam opprimere captans, alapam sibi duxit,
 Tunc illa irridens Punctum volucris parvula
 Voluisti morte nescisci: quid faciens tibi,
 Injurie qui addideris contumeliam?
 Respondit, Mecum facile redeo in gratiam,
 Quia non fuisse mentem lædendi scio:
 Sed, re contempti generis animal improbum,
 Quod delectaris bibere humanum sanguinem,
 Optem necare, vel majore incommodo.
 q. Hoc argumentum veniam magis dari docet,
 Qui casu peccat, quam qui consilio est nocens:
 Illum esse quavis pœna dignum iudico.

F A B U L A I V.

Quidam immolasset Verrem cum sancto Herculi,
 Cui pro salute votum debebat sua.
 Asello iussit reliquias poni hordei
 Quas aspernatus ille, sic locutus est:
 Tuum libenter prorsus appeterem cibum
 Nisi qui nutritus illo est, jugulatus foret.

q. Hu-

q. Hujus respectu fabulæ deterritus
 Periculosam semper vitavi lucrum.
 Sed dicis : Qui rapuere divitias , habent ,
 Numeremus , agedum , qui deprensi perierint ,
 Majorem turbam punitorum reperies :
 Paucis temeritas est bono , multis male .

FABULA V

Pravo favore labi mortales solent .
 Et pro judicio dum stant erroris sui ,
 Ad poenitendum rebus manifestis agi .
 q. Facturus ludos quidam dives nobilis ,
 Proposito cunctos invitavit premio ,
 Quam quisque posset , ut novitatem ostenderet .
 Venere artifices laudis ad certamina ,
 Quos inter Scurra notus urbano sale ,
 Habere , dixit , se genus spectacula ;
 Quod in theatro nunquam prolatum foret .
 Dispersus rumor civitatem concitat :
 Paulò ante vacua turba deficiunt loca .
 In scenam verò postquam solus constitit .
 Sine apparatu , nullis adiutoribus ,
 Silentium ipsa fecit expectatio .
 Ille in sinum repente demisit caput ,
 Et sic Porcelli vocem est imitatus sua
 Verum ut subelle pallio contenderent ,
 Et excuti juberent , quo facto , simul
 Nihil est repertum , multis onerant laudibus ,
 Hominemque plausu prosequuntur maximo .
 Hoc vidit fieri Rusticus . Non mehercule
 Me vincet , inquit , & statim professus est ,
 Idem facturum melius se proslidie .
 Fit turba major : jam favor mentes tenet ,
 Et derisuri , non spectaturi sedent .
 Uterque prodit . Scurra digrunit prior ,
 Moveretque plattus , & clamores suscitavit .
 Tunc simulans sese vestimentis Rusticus
 Porcellum obtegere , quod faciebat scilicet ,
 Sed in priore quia nil compererant , latens ,
 Pervellit aurem viro quem celaverat ,
 Et cum dolore vocem naturæ exprimit .

Accla-

Acclamat populus. Scuram multo similis
 Imitatum, & cogit Rusticum trudi foras,
 At ille profert ipsum porcellum è sinu
 Turpemque aperto pignore errorem probans,
 En hic declarat quales sitis iudices.

Adhuc supersunt multa quæ possim loqui,
 Et copiosa abundat rerum varietas.
 Sed temperatæ suaves sunt argutiæ:
 Immodicæ offendunt, quare, vir sanctissime
 Particulo, chartis nomen victurum meis,
 Latinis dum manebit pretium literis,
 Si non ingenium, certè brevitatem approba.
 Quæ commendari tantò debet iustius,
 Quantò poetæ sunt molesti validus.

F A B U L A V I.

Invenit Calvus forte in trivio pectinem,
 Accessit alter æque defectus pilis,
 Heja, inquit, Est commune quodcumque est lucri.
 Ostendit ille prædā, & adjecit simul,
 Superum voluntas favit, sed fato invido:
 Carbonem, ut ajunt, pro thesauro invenimus.
 q Quem spes delusit, huic querela convenit.

F A B U L A V I I.

Ubi vanus animus aura captus frivo la
 Arripuit insolentem sibi fiduciam,
 Facile ad derisum stulta levitas ducitur.
 Princeps Tipicem notior paulò fuit,
 Operam Bathyllo solitus in scena dare.
 Is forte ludis, non satis memini quibus,
 Dum pecunia rapitur, concidit casu gravi,
 Nec opinas, & sinistram fregit tibiam.
 Duas cum dextras maluisset perdere.
 Inter manus sublatus, & multum gemens,
 Donum refertur, aliquot menses transeunt
 Ad sanitatem dum venit curatio.
 Ut spectatorum mos est, & lepidum genus,
 Desiderari cœpit, cujus statibus
 Solebat excitari saltantis vigor.
 Erat facturus ludos quidam nobilis,
 Et incipiebat Princeps ingredi: eum

Adducit pretio precibus, ut tantummodo
 Ipso ludorum ostenderet sese die.
 Qui simul advenit, rumor de tibicine
 Fremit in theatrum: quidam affirmant mortuum;
 Quidam in conspectum proditurum sine mora.
 Anlæo misso, devolutis, tonitrubus,
 Dij sunt locuti more translaticio.
 Chorus reducto tunc, & notum canticum
 Imposuit cujus hæc fuit sententia:
 Lætare incolumis Roma salvo Principe.
 In plausus consurrectum est, jactat basia
 Tibicen, gratulare fautores putat.
 Equester ordo stultum errorem intelligit,
 Magnoque risu canticum repeti jubet.
 Iteratur illud, homo meus se in pulpito
 Totum prosternit, plaudit illudens eques;
 Rogare populus hunc coronam existimat.
 Ut verò cuneis notuit res omnibus,
 Princeps ligato crure nivea fascia,
 Niveisque tunicis, niveis etiam calceis.
 Superbiens honore divinæ domus,
 Ab universis capite est protrusus foras.

F A B U L A V I I I.

Cursu volucris pedens, in novacula,
 Calvus, comosa fonte, nudo corpore;
 Quem si occuparis, teneas, elapsum semel
 Non ipse possit Jupiter reprehendere.
 Occasionem rerum significat brevem.
 q Effectus impediret ne segnis mora,
 Finxere antiqui talem effigiem temporis.

F A B U L A I X

Angusto in aditu Taurus luctans cornibus,
 Cum vix intrare posset ad præsepia,
 Monstrabat Vitulus, quo se pacto flecteret:
 Tace inquit, ante hoc novi, quam tu natus es.
 q Qui doctiorem emendat, sibi dici putet.

F A B U L A X.

Adversus omnes fortis veloces feras
 Canis cum domino semper fecisset satis,
 Languere cœpit annis ingrantibus.

Aliquando objectus hispidi pungæ Suis ,
 Adripuit aurem : sed cariosis dentibus :
 Prædam dimisit , hic tum Venator dolens ,
 Canem objurgabat , cui senex contra latrans :
 Non te distituit anisus , sed vires meæ ,
 Quod fuimus , laudas ; jam damnas , quod non sumus
 q Hoc cur , Phileto , scripserim pulchre vides .

PHÆDRI AUGUSTI LIBERTI

Liber quintus explicis feliciter .

FINIS.